


ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՀԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1473

17.10.2014թվ.

ՀՀ Ոստիկանության պետ,
գեներալ-լեյտենանտ
պարոն՝ Վ. Գասպարյանին

Հարգելի պարոն Գասպարյան,




Դիտորդական խումբը ՀՀ ոստիկանության Լոռու ՄՎ Տարոնի ՁՊՎ-ում ուսումնասիրություններ կատարելու ընթացքում, արձանագրել էր որ սույն թվականի հունվարի 1-ից մինչև հունիսի 28-ը ընկած ժամանակահատվածում ՁՊՎ ընդունված անձանցից ոչ ոքի մոտ մարմնական վնասվածքներ չէր արձանագրվել, որը ըստ պահանջի պետք է գրանցված լիներ <<Ձերբակալված անձանց բուժօգնության և բուժզննության>> գրանցամատյանում:

Դիտորդական խումբը կատարելով հետագա ուսումնասիրություն, հարցում էր ուղարկել ՀՀ ԱՆ ՔԿՀ վարչություն տեղեկություններ ստանալու համար՝ 02.09.2014թ-ին թիվ 2621/152 գրությամբ:

Խումբը ՀՀ ԱՆ ՔԿՀ վարչությունից խնդրել էր, որպեսզի տեղեկություն տրամադրվեր, թե հունվարի 1-ից մինչև հունիսի 28-ը ընկած ժամանակահատվածում ՀՀ ոստիկանության Լոռու ՄՎ Տարոնի ՁՊՎ-ից քանի կալանավոր է ընդունվել ՀՀ ԱՆ <<Վանաձոր>> ՔԿՀ և քանիսի մոտ էր արձանագրվել մարմնական վնասվածքներ:

Ի պատասխան Դիտորդական խմբի հարցմանը՝ 05.09.2014թ-ին թիվ 40/4-2633 գրությամբ տրվել էր մեկնաբանություն, որ նշված ժամանակահատվածում ՀՀ ոստիկանության Լոռու ՄՎ Տարոնի բաժնի ՁՊՎ-ից ՀՀ ԱՆ <<Վանաձոր>> ՔԿՀ ընդունվել են 21 կալանավորված անձիք, որոնցից 6-ի մոտ արձանագրվել են մարմնական վնասվածքներ: /Կից ներկայացնում ենք Դիտորդական խմբի գրությունը՝ իր մեկնաբանությամբ/



Հաջորդիվ՝ նույն բովանդակությամբ հարցում 24.09.2014թ-ին թիվ 2621/1461 գրությամբ 3
Խումբը ներկայացրել էր ՀՀ ոստիկանությանը, որին ի պատասխան 10.10.2014թ-ին թիվ 2/2-1-
2528 գրությամբ տրվել էր մեկնաբանություն, որ սույն թվականի հունվարի 1-ից մինչև հունիսի
28-ը ընկած ժամանակահատվածում ՀՀ ոստիկանության Լոռու ՄՎ Տարոնի բաժնի ՁՊՎ-ից ՀՀ
ԱՆ <<Վանաձոր>> ՔԿՀ տեղափոխվել են 18 ձերբակալված անձիք / 21-ի փոխարեն/, որոնցից 9-ի
մոտ մարմնի արտաքին զննության ժամանակ արձանագրվել մարմնական վնասվածքներ / 6-ի
փոխարեն/:

Դիտորդական խումբը չբավարարվելով ձեռք բերած ինֆորմացիայով, կրկին՝ 11.09.2014թ-ին 4
թիվ 2621/1458 գրությամբ ՀՀ ԱՆ ՔԿՀ վարչությանը խնդրել էր, որպեսզի տրամադրվեր նշված 6
անձանց անուն ազգանունները և արձանագրված մարմնական վնասվածքները /կից
ներկայացնում ենք Դիտորդական խմբի գրությունը՝ իր մեկնաբանությամբ/:


Այսպիսով՝ ուսումնասիրելով Դիտորդական խմբի կողմից կատարված մոնիթորինգի
արդյունքները, երկու գերատեսչությունների կողմից տրված մեկնաբանությունները
արձանագրվել է, որ

1. Տվյալ ՁՊՎ-ում մարմնական վնասվածքներով ընդունված անձանց մարմնական
վնասվածքները թաքցվում են և չեն գրանցվում
2. Չեն համապատասխանում ձերբակալված, հաջորդիվ կալանավորված և ՀՀ ԱՆ
<<Վանաձոր>> ՔԿՀ տեղափոխված անձանց քանակը
3. Չեն համապատասխանում մարմնական վնասվածքներով ՀՀ ոստիկանության Լոռու ՄՎ
Տարոնի բաժնի ՁՊՎ ընդունված և հաջորդիվ ՀՀ ԱՆ <<Վանաձոր>> ՔԿՀ տեղափոխված
անձանց մարմնական վնասվածքների քանակը
4. Չեն համապատասխանում նույն մարդկանց մոտ տարբեր գերատեսչություններում
արձանագրված մարմնական վնասվածքների տեսակները:

Խնդրում ենք ուսումնասիրել ներկայացված փաստերը և տալ մեկնաբանություն:

Հարգանքով՝

ՀՀ ոստիկանության համակարգի ձերբակալված
անձանց պահելու վայրերում վերահսկողություն
իրականացնող հասարակական Դիտորդական
խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երեւան, Նալբանդյան 130 հեռ. 59-65-94

N- 2/2-1-2872

«07» 10 2014թ.

Ձեր 17.10.2014թ. թիվ 2621/1473 գր.

**ՀՀ ոստիկանության համակարգի ձերբակալվածներին
պահելու վայրերում հասարակական դիտորդների
խմբի նախագահ**

տիկին Հ. Սահակյանին

Հարգելի տիկին Սահակյան

Հայտնվում է, որ դիտորդների խմբի կողմից ուղարկված գրությունն ուսումնասիրվել է ՀՀ ոստիկանության շտաբում, իսկ Լոռու մարզային վարչությունում կատարվել է ծառայողական քննություն:

Դիտորդների խմբի հաշվետվության առաջին պարբերության վերաբերյալ ՀՀ ոստիկանության կողմից 29.10.2014թ. թիվ 2/2-1-2747 գրությամբ տրվել է սպառնիչ պատասխան:

Երրորդ պարբերության վերաբերյալ հայտնվում է, որ դիտորդների խումբն իր 24.09.2014թ. թիվ 2621/1461 գրությամբ խնդրել էր տրամադրել տեղեկատվություն հետևյալի վերաբերյալ. <<2014թ. հունվարի 1-ից մինչև հունիսի 28-ը ՀՀ ոստիկանության Լոռու մարզային վարչության Տարոնի բաժնի հերթապահ մասի ՁՊՎ-ից **քանի ձերբակալված, հաջորդիվ կալանավորված անձ** է տեղափոխվել ՀՀ ԱՆ <<Վանաձոր>> ՔԿՀ՝ ըստ անուն ազգանունների և նրանցից ում մոտ է հայտնաբերվել մարմնական վնասվածքներ>>:

Ի պատասխան վերոգրյալ գրությանը ՀՀ ոստիկանության շտաբի կողմից 10.10.2014թ. թիվ 2/2-1-2528 գրությամբ տրամադրվել է տեղեկատվություն, որ նշված ժամանակահատվածում ոստիկանության Տարոնի բաժնի ՁՊՎ-ից ՀՀ ԱՆ <<Վանաձոր>> ՔԿՀ են տեղափոխվել 18 ձերբակալված անձինք: Եթե դիտորդների խումբն իր գրության մեջ նշեր <<**ձերբակալված և կալանավորված անձինք**>>, ապա կտրամադրվեր նաև տեղեկատվություն վերը նշված ժամանակահատվածում ոստիկանության Տարոնի բաժնի ՁՊՎ մուտք գործած թվով 3 դատապարտյալների վերաբերյալ և հետևաբար կնշվեր, որ թվով 21 անձ է տեղափոխվել ՀՀ ԱՆ <<Վանաձոր>> ՔԿՀ:

Ստորև ներկայացվում է թվով 3 դատապարտյալների տվյալները, որոնց մոտ ոստիկանության Տարոնի բաժնի ՁՊՎ ընդունվելիս մարմնական վնասվածքներ չեն հայտնաբերվել.

1. Սուրիկ Վահագնի Սերոբյան,
2. Արտակ Սարգսի Ավագյան,
3. Արմեն Թելմանի Մուրադյան:

Չորրորդ պարբերության վերաբերյալ հայտնվում է, որ ոստիկանության Տարոնի բաժնի ՁՊՎ ընդունվելիս թվով 9-ը անձանց մոտ հայտնաբերվել են մարմնական վնասվածքներ և <<ձերբակալված և կալանավորված անձանց>> պահելու մասին ՀՀ օրենքի 21-րդ հոդվածի համաձայն՝ վարույթն իրականացնող մարմնին տրվել են իրազեկումներ: ՀՀ ոստիկանությունը ՁՊՎ ընդունված անձանց մոտ հայտնաբերված մարմնական վնասվածքները թաքցնելու որևէ միտում չունի, հակառակ դեպքում մարմնական վնասվածքներով ոստիկանության Տարոնի բաժնի ՁՊՎ ընդունված անձանց քանակը ավելին չէր լինի, քան ՀՀ ԱՆ <<Վանաձոր>> ԲԿՀ-ում ընդունվածներինը: ՀՀ ոստիկանությունը կոչ է անում դիտորդների խմբին, որ ՀՀ ոստիկանությանն անհիմն մեղադրանքներ ներակայացնելուց առաջ մանրակրկիտ ուսումնասիրել առկա հանգամանքները, գրություններում ներկայացված հարցադրումները ճիշտ շարադրել, որից հետո նոր տալ գնահատականներ:

Ոստիկանության Տարոնի բաժնի ծառայողների կողմից ՀՀ կառավարության 05.07.2008թ. թիվ 574-Ն որոշմանը հաստատված <<<< ոստիկանության համակարգում գործող ձերբակալվածներին պահելու վայրերի ներքին կանոնակարգ>>-ի 2-րդ գլխի 13-րդ կետի պահանջները խախտելու փաստով կատարվել է ծառայողական քննություն, որի մասին 29.10.2014թ. թիվ 2/2-1-2747 գրությամբ Ձեզ հայտնվել է:

<< ոստիկանության շտաբ